

Willem Vermandere, Dag Aan Dag

Ons kindje moet studeren dag aan dag
't Is een visselke dat nie meer zwemmen mag
Mijn teevee en mijn hifi-apparaatuur
Da'k mie zo verveel op de langen duur
Den auto en 't huisgerief op krediet
Dat wordt een kortstondig liefdelied
Aan d' advokaten is 't geval toevertrouwd
We waren nochtans ooit gelukkig getrouwd
Ik hoor dat uw allerliefst' u verliet
De wereld zit vol van nutt'loos verdriet

Onze luxeflat op het tiende verdiep
En da'k vroeger zo geiren op den hooizolder sliep
En daaglijks per file naar 't werk in de stad
En ons vader voor zijn deure op strate zat
Dat drukke verkeer maakt mie angstig en moe
Waar gaan al de mensen in feite naartoe
Op cruise met de club mediterrane
'k Ga liefst nog gaan kaarten in mijne stamcafe
Of in't sjiek restaurant zwaar uitgezakt
Of kerstavond bie moeder die wafels bakt

Mijn koffie- mijn scheer- en mijn afwasmachien
Is 't leven al nie lastig genoeg misschien
Ik moet schuren en schrobben mijne keuken en salon
En wanneer speel je nog ne keer op uw akkordeon
het feest door den diskobar verpest
'k he zo'n heimwee naar't oud harmonieorkest
Parkingmeters en eenrichtingsverkeer
Waar is mijn straatje van weleer
He ook af veel geld voor uw pensioen gespaard
He ook al wat kruimeltjes wijsheid vergaard

Dronken supporters in 't stadion
En niemand die nog weet hoe den oorlog begon
Ik hore van ziekte en van hongersnood
En onze boter- en tarwebergen zijn zo groot
Ik hoor hoe dat 't oerwoud wordt gerooid
Schoon en goed nieuws hoor j'hier zelden of nooit
Lange rivieren vol dode vis
Zegt maar aan 't volk dat er welvaart is
Beton en asfalt over berg en dal
Is de mens dan geen meester van 't heelal